

籌辦夷務始末

同治朝
卷十七之十八

347.911
S0000



臺灣文學叢書

第四卷
第一輯
第一冊

籌辦夷務始末卷之十七

同治二年癸亥六月丁丑烏里雅蘇台將軍明誼奏
奉

派會議中外分界事宜。俄使不遂所欲。負氣回國。經督照會該國。西悉畢爾衙門。詢以次年何時在何地覆議。嗣接復文云。若不照依本年該國使臣博補考。雅哈勞等所議以常住卡倫為界。勿庸再議等因。督逆恐其有分路帶兵侵占之舉。是以本年二月。督奏請擬令西北兩路疆臣。各就本境設防籌備。俟其來時。即可相機勘議。各就本境酌中定界。但能使其稍知退斂。即各與之換約。冀得速結此案。荷蒙

交議允准。遵卽徑行該國西悉畢爾衙門。約其亦分派使臣。各就與該國近邊地方訂期會議。尚未見覆文。三月間塔爾巴哈台科布多邊境。忽有該國兵隊三起。強來肆擾。科境之兩起。共百四五十人。其先來者經卡員阻止。退出卡外。聲言遲日復來占界。其另起兵隊。竟敢毆拘蒙兵。搶去馬匹軍械。隨又將兵丁送還。擄取馬匹什物而去。鬼域伎倆。百出不窮。難保不時來窺伺侵擾。自應早籌控制之法。至塔境據明緒奏稱。現來俄人三百餘名。屢次驅逐。概置不理。該國旣已分兵西北兩路前來。逞強滋擾。其分界緣起之沙賓達巴哈在烏里雅蘇台邊境。尤與該國連界。彼必亟

於侵越。其是否仍來塔垣秉公會議。殊難豫定。今奉

諭旨著。湄即赴塔城與明緒等妥商籌議。曷敢稍事耽延。但該國既無使臣何時前來在何處會議。照會文據。湄又曷敢即置本轄境於不顧。再四思維。止可趕緊將本境籌防要件。與烏科二城大臣等酌辦。聽候明緒探實俄國使臣前來會議確信。再定行止。

御批。知道了。著將邊防事宜交代後。即遵前旨馳赴塔爾巴哈台。會同明緒等妥為辦理。

明誼又奏。湄正在繕摺間。承准軍機王大臣寄

諭。會議分界一事。現既由總理各國事務衙門告知該國住京公

使行文該國令派使臣赴塔會議。或該國竟有使臣前來。亦未可定。明誼仍當遵奉前旨。迅赴塔城。先期以待。等因。欽此。查前准科布多大臣廣鳳等咨送該處查勘邊界委員阿克敦佈呈繪地圖一疏。努與本處及總理各國衙門。並伊犁舊圖案卷覈對。科布多所屬邊境。自沙賓達巴哈未處起。直至罕山為止。今該處委員阿克敦佈將哈屯河界址繪圖。其罕山以前等處。何處可以議分。未經切實聲敘。且查明舊有木房屋原委。現有俄人十二名在彼。亦未將作何辦法聲明。誠恐舊界棄失。匪伊朝夕。努祇得趕緊飛咨廣鳳。再行按照舊案圖說切實覈對。迅卽咨覆。並飭阿克敦佈迎。

赴行帳。以便面詢詳細。備與會議。俟 努與麟興將防邊事宜。悉心商酌。迅卽交卸起程。赴塔等候會議。

御批。知道了。

乙酉。塔爾巴哈台參贊大臣明緒。領隊大臣博勒果素。奏據烏里雅素圖卡倫委官倭什渾泰稟稱。卡外探有俄羅斯兵隊百餘人。執持器械。在彼駐紮等語。 努等當派委筆帖式經格圖。會同該卡倫官。前往曉諭。令其退回。該夷不聽。反逞強橫。 努等因倭什渾泰官職微小。而守卡兵丁。僅有十名。復添派滿營防禦慶齡。帶領蒙古兵十名。借助守卡倫稽查賊盜為名。不時出卡查看。該夷儻若修蓋房屋。

壘立石堆。卽行善言開導。令其拆毀。並飭諭各卡倫官兵。亦不時查看。旋據巴克圖委官土瓦謙泰呈報。俄夷在卡倫開齊內。壘立石堆數處。當已拆毀等情前來。等隨派章京薩勒哈春。飭赴巴克圖卡外。面見該頭人。告以現在兩國疆界未定。何得卽在我們巴克圖卡倫開齊之內。偷壘鄂博。並派兵隊復在烏里雅素圖卡外住紮。該頭人答以烏里雅素圖卡外住之兵隊。係奉我們上司吩咐。到彼防守。不准你們查卡倫之官兵越巴哈穆爾山嶺。至我們派人前往卡內。原係履勘地方。以備將來作為邊界等語。薩勒哈春卽言哈穆爾山嶺。原係我們地方。且過山嶺直

至齋桑淖爾。尚有我們幾處卡倫。並非你們疆界。因何越境攔阻。該頭人一聞此言。聲色俱厲。並云你們官兵將來定要過去。喀什只好就是動手。薩勒哈春復向其再三理論。該夷以若無伊上司文書。不敢撤回為詞。復據防禦慶齡等呈報。烏里雅素圖卡外住紮之俄國頭人。帶領兵隊七八十人。偕令章京帶同兵丁移至卡倫之內居駐。將章京所居之氈廬。硬行拆毀。勢將打仗。章京等嚴飭兵丁萬勿可動手。恐釁先自我起。致彼得有藉口。不得已暫移數里居駐。等伏思轉瞬卽屆領隊例查卡倫。並派官兵添坐輝邁拉胡各卡倫之期。均須由哈穆爾山嶺經過。直至

齊桑淖爾湖地方。現在該國頭人帶領兵隊分處攔阻。並聞齊桑淖爾湖一帶。逐處亦有該國兵隊住守。若不照例派官兵添坐卡倫。並領隊大臣往查。不惟遂其侵占。將來會議時。定必據為該國地方。等公同商酌。惟有遴派妥員多帶兵丁。隨同巡查卡倫之領隊大臣博勒果素前往。至哈穆爾山嶺一帶地方。該夷有無攔阻情事。再為奏

聞。查俄羅斯匪蘇勒官雜哈勞人。極狡詐。一切皆其主謀。故當邊界未定之前。唆令該國頭人肆行侵越。等因。現值查勘地界尚未定局。不得不處以鎮靜。暫與羈縻。使其就我範圍。方為至計。復准烏里雅蘇台將軍明誼咨開通籌西北

兩路分界事宜等因前來。應俟該國使臣或來塔爾巴哈台。或往伊犁會議。釐明緒。卽同將軍常清。相度機宜。切實定議。以期妥速。藏事而泯釁端。釐等料該使臣僅再來時。必不肯遵照條約。秉公會議。該國在塔通商年久。深知本處城小兵單。易於逞兵要挾。是以本年二月。卽先派來兵隊。占踞烏里雅素圖卡外地方。一為阻我查界官兵。一為在喀屯素地方耕種地畝。並窺伺雅爾噶圖金廠。欲獨擅其利也。查咸豐九年有塔爾巴哈台民人。在巴克圖卡外喀通素烏蘭布拉克地方試種地畝。彼時該國在塔居住管理貿易之匡蘇勒官。面見前任參贊大臣明誼。求將種

地之人收回。明諠因此等人私出卡外種地。恐與內服之哈薩克雜處日久。滋生事端。並未詳及該夷之奸詐狼貪。當卽派員前往。將該民人等一律收回。該夷於去年會議時。卽借此狡賴。本年復派兵隊至彼處住紮。以為早已許讓之地。再來會議。必仍堅持常住卡倫為界。一語爭論。若不豫籌辦法。會議卽許以常住卡倫為界。烏里雅蘇台。科布多。各卡倫均距城在六七百里。及至千里。離城較遠。尚不至大有關礙。伊犁。塔爾巴哈台。卡倫均距城不過三四十里。及百里。二三百里不等。伊犁之錫伯。索倫營均在卡內附近地方居駐。塔爾巴哈台之察哈爾。額魯特。及吐爾

扈特人等。亦在卡內附近地方住牧。至塔爾巴哈台所屬
前汗爵綽坦公阿吉所管之哈薩克。約有三萬人。現在
卡外西北一帶住牧。台吉迪納雅爾所管之哈薩克。亦有
數千人。在卡外西南一帶住牧。屢次呈求。誓願內服。僅議
分後。該國定必逐處移兵住守。不惟與伊犁駐防之索倫
錫伯各旗相近。必啟爭端。卽塔爾巴哈台卡外之哈薩克
不願隨從。聚族來徙。吐爾扈特蒙古游牧地方。蒙古豈能
相容。哈薩克情急。擾亂所關匪輕。若不許以常住卡倫為
界。必以兵爭。塔爾巴哈台迤東首尾均與該國毗連。兵連
禍結。致成不了之局。努等膺茲重寄。不得不縷晰瀆陳。伏

乞

皇上指示並請

旨飭交總理各國事務衙門王大臣妥議。究應如何定議之處。俟議妥後指示前來。以便遵辦。

御批。明緒疊次所奏分界事宜各摺。俱交總理各國事務衙門。與俄國住京使臣會商。尚未議妥。此摺著交該衙門一併妥議。俟該衙門議奏後。再行降旨。惟未經降旨以前。明緒等仍當飭諭各卡倫官兵。嚴密稽查防範。毋稍鬆懈。

明緒又奏。錫霖已於三月十九日抵塔。努應將參贊大臣印務。卽交錫霖。馳赴伊犁參贊大臣新任。伏查俄國使臣

尚無來塔會議確信。相應請

旨。俟分界事宜辦理完竣後。再將參贊大臣印務。交錫霖接任。抑或即將參贊大臣印務。並會勘分界事宜。一併交錫霖會同各該將軍辦理。以專責成。等因。即赴伊犁參贊大臣本任之處。恭候

聖裁。

御批。著俟勘界事宜辦竣後。再行交卸。

己丑。伊犁將軍常清奏。據索倫營總管富珠爾泰。並博羅胡吉爾卡倫佐領順柯布報稱。卡外忽來俄人二百餘名。帶有鳥槍長矛。駿車等件。仍在去歲搭蓋窩鋪之科斯莫

鑒地方。斫木修房。又據佐領和色本。及哈薩克報稱鄂爾
果珠勒卡倫所屬格根地方。驟來俄人二百餘名。倭根塔
斯地方。亦來俄人五百餘名。奇沁卡倫附近愛達爾科木
地方。亦有俄人一百餘名。訊其情由。均稱伊等頭人差來
語言強驚。諸形叵測。拏查向住伊犁之匡蘇勒官雜哈勞
人極狡獪。通商以來。久生覬覦。其於山川險阻。道途紆折。
靡不私窺大概。伺我虛實。數年來誘買牲畜糧食。以致無
業之徒。狗偷鼠竊。種種指使。皆雜哈勞之計。雜哈勞曾住
京館。能作滿洲字體。往往影射情事。偽作公牘。拏曾將字
蹟比對。識破鬼蜮伎倆。現聞雜哈勞在卡外一帶作祟。所

有附近布魯特。喀薩克等。非脅之以威。卽誘之以利。總期受役於彼。為日後助虐地步。目下本地漢回惑於勦洗之言。卽塔爾巴哈台等處。亦有蓄謀之事。伊犁謀叛之案。甫經嚴辦。餘匪尚未全淨。官兵未盡撤防。難保雜哈勞不從中煽惑。容留罪人。努加意防範。從不假以辭色。雜哈勞深與努為仇。此間錫伯索倫兩營兵丁。技藝優長。箭射有准。為俄人所畏所忌。該兵丁等家屬。素以耕牧為事。若俄人漸逼甚近。蓋房設卡。實覺不利。故該兵丁等恨之切齒。時有滅此朝食之意。卡外皆喀薩克。布魯特。兩部落遊牧之區。稍有疏虞。卽啟各夷輕侮之心。努當與領隊大臣等商